

Stjórnarfundur LEB 13.des. 2019

Kl. 10.12 – 13.00 fundur no: 325.

Mætt: Þórunn Sveinbjörnsdóttir, formaður, Haukur Halldórsson, varaformður, Ingólfur Hrólfsdóttir, Ólafur Örn Ingólfsson, EllertB. Schram og Dagbjört Höskuldsdóttir, ritari. Einnig sat fundinn Viðar Eggertsson, starfsmaður LEB. Forföll boðuðu Valgerður Sigurðardóttir og Drífa Sigfúsdóttir sendi tölvupóst.

Fundargerð síðasta fundar: Undirrituð og samþykkt eftir smávægilegar umræður um fyrirkomulag.

1. Staðan í dag. Stutt frásögn/verkefni/ atburðir/viðtöl.

Þórunn sagði frá samtali við Arnar Þór aðstoðamann félagsmálaráðherra um styrk til rekstrar LEB sem oft hefur verið rætt um áður s.s. hversu margt LEB vinnur fyrir ráðneytið i starfshópum og nefndum. Ágætur fundur en engin svör!

Þórunn fór á fund fund hjá félagi eldri borgara, Korpúlfum, sem ekki eru aðilar að LEB. Korpúlfar hafa aðstöðu í góðu húsnæði, Borgum, sem rekið er af Reykjavíkurborg, og er þar mjög lífleg starfsemi. PS flutti ávarp á fundinum.

Einnig hefur hún heimsótt fleiri staði sem þjónusta eldri borgara, t.d Seltjörn, nýtt mjög skemmtilegt og vel búið hjúkrunarheimili, á Seltjarnarnesi.

Nýtt hjúkrunarheimili mun opna 28 febr. á Sléttuvegi í Fossvogi á vegum Hrafnistu. Guðrún Ágústsdsdóttir hefur lokið við umsjón með útgáfu á bæklinginn um velferðartækni og er hann tilbúinn í prentun. Í undirbúningi er bæklingur um aldraða nýbúa sem styrkur hefur fengist til frá Fél.

Borist hefur ósk um að LEB taki þátt í útifundum sem hafa verið haldnir undanfarið á Austurvelli. Landsambandið eru ópólítisk samtök og við teljum að sambandið eigi ekki að blanda sér inn í þessar umræður.

Haukur sagði frá fundi hjá starfshópi um lífskjör og aðbúnað aldraðra þar sem þau Þórunn eiga sæti. Þau stóðu að þrem tillögum sem lagðar voru fram í hópnum, um málefni öldungarráðanna, um breytingar á almannatryggingum vegna búsetuskilyrða og í þriðja lagi mál sem snýr að töku hálfss lífeyris. Starfshópurinn mæltist til þess við stjórnvöld að þessar tillögur næðu fram að ganga fyrir áramót, en það er ljóst að það næst ekki. Loksins er komið fundarplan í starfshópnum,

fundað verður mánaðarlega. Þórunn og Haukur sögðu á fundi starfshópsins, að fundir þyrftu að vera tíðari svo klára mætti ákveðin mál fyrir okkar landsfund. Var tekið jákvætt í það. Líflegar umræður voru innan stjórnarinnar um störf hópsins, frítekjumarkið og fleira.

Búið er að semja á vegum Alþingis við Capacient um að reikna út hvað myndi kosta ríkið að hætta skerðingum á lífeyri lífeyrisþega vegna atvinnutekna.

Velferðarnefndin þarf að fara að koma saman því mjög margt er eftir að ræða innan starfshópsins sem lýtur að velferðarmálum. Dagbjört sagði að hún fyrirhugaði að halda fund í Velferðarnefndinni seinni hluta janúar

2. Fjármál og tillögur um afgreiðslu.

Þórunn sagði að hún mundi færa akstursdagbók, vegna ferða á vegum LEB. Þórunn sagði að Viðar hefði reynst mjög vel á skrifstofunni. Starfslýsing liggur ekki enn fyrir, en samþykkt að formaður, varafirmaður og gjaldkeri gangi frá henni. Þórunn lagði fram tillögu um að Viðar Eggertsson færi í 40% starf. Samþykkt samhljóða. Haukur reifaði þóknanir til stjórnar sem viðgengist hafa undanfarin ár. Hann taldi erfitt að greiða dagpeninga fyrir stjórnarsetu, vegna tæknilegra atriða, búsetu og fl. Ef greiddir eru dagpeningar þarf að fylla út sérstakt eyðublað. Á tíma núverandi stjórnar hafa verið haldnir 7 fundir og rætt var um hvað greiða ætti fyrir fundarsetu. Engin stjórnarlaun verði greidd en lagt var til að greiða fyrir fundarsetu, 10 þús fyrir fundinn. Gefið upp til skatts eins og lög gera ráð fyrir. Prátt fyrir bókun frá 23. október, varðandi greiðslur fyrir akstur, samþykkir stjórnin að greiðslur fyrir akstur og dagpeninga, séu þeir greiddir, séu í samræmi við reglur rsk. Settar verði nánari reglur vegna kostnaðarþáttöku LEB varðandi ferðakostnað og gistingu fulltrúa á landsfund á næsta stjórnarfundi.

3. Afsláttarbókin.

Viðtal við FEB –R Viðræður eru í gangi við FEB um vinnubrögð varðandi afsláttarbókina. Vilji allra er að málið verði leyst.

4. Nefndir á vegum LEB/ Laga og uppstillingarnefnd.

Eitt nafn vantar í laganefndina. Samþykkt var á síðasta fundi að leita til Reykjavíkurfélagsins um að tilnefna einn aðila. Þau stungu uppá að Finnur Birgisson komi inn í nefndina. Samþykkt samhljóða. Gengið verði frá uppstillingarnefnd á

næsta fundi, en samþykkt var að leita til Sigurðar Jónssonar, frá Reykjanesbæ sem formanns.

5. Landsfundur næsta vor dagsetning og staður.

Hann verður 28. apríl á Selfossi og byrjar kl 10.00. Venjuleg aðalfundarstörf og svo fræðsla.

6. Mál hjá lögfræðingi vegna 70 ára starfsloka/ Daníel Isebarn kemur á fundinn.

Hann sagði frá því að í gangi væri mál vegna þvingaðra 70 ára starfsloka. Kennara, konu sem ekki vildi hætta kennslu 70 ára, í Breiðholtsskóla var sagt upp. Var dreift stefnu vegna þessa málareksturs. Næstu skref eru að skila inn auknum gögnum til stuðnings málarekstrinum. Hægt er að rekja mörg dæmi um fólk sem getur unnið lengur en til 70 ára. Td geta læknar unnið til 75 ára aldurs. Þeir sem eru fæddir árið 1952 eða síðar geta frestað töku ellilífeyris til 80 ára aldurs gegn varanlegri hækkun. Hækkunin er þá reiknuð út frá tryggingafræðilegum grunni frá TR. Þú mátt líka keyra rútu með farþegum lengur en leigubíl. Dómarar, forsetar, alþingismenn og svo almenni geirinn eru með engin aldurstakmörk.

Sennilega verður málflutningur í febrúar og svo dómur í mars. Daníel sagði að gott væri að vekja sem mest athygli í fjölmöldum á málinu, í viðtölum og blöðum. Máli skiptir að auka þungann á umræðunni í samféluginu. Þórunn þakkaði Daníel fyrir komuna.

7. Útsendingar til félaganna /Fréttabref/ Android bæklingurinn.

Búið er að dreifa Android bæklingum og fréttabréfinu.

8. Öldungaráðin og hvað næst.

Út er komin mastersritgerð Soffíu Erlingsdóttur í félagsráðgjöf um Öldungarráð á Íslandi, Hlutverk og staða. Mjög athyglisverð rannsókn á stöðu ráðanna. Mun verða tekin fyrir hjá Öldrunarráði Íslands á komandi ári.

9. Umhverfismál.

Umhverfisráðherra er búin að auglýsa styrki til verkefna á sviði umhverfismála.

Athuga þarf að LEB komi af stað umræðu, hvernig eldra fólk gæti komið að þessum málaflokki og ef til vill tekið að sér einhver verkefni.

10. Önnur mál.

Pórunn minntist á bækling um akstur á efri árum og sýndi bæklinginn "Ökufær" sem þarf að endurprenta. Ingólfur sagði að í Mosfellsbæ ætti öku kennari að koma og halda námskeið með áhugasömu fólki á efri árum. Einnig hefur verið haft samband við Samgöngustofu um að tak aftur upp námskeiðið "Akstur á efri árum".

Ólafur Örn minntist á tvær þingsályktanir sem liggja fyrir á Alþingi, um aldursfordóma og um réttindi fólks til vinnu eftir sjötugt. Eitt mál er líka í gangi um þunglyndi hjá öldruðum. Von er til að þessi mál fái afgreiðslu fyrir jólafrí þingsins. Ólafur minntist líka á að í viðtali í bítinu á Bylgjunni í morgun hafi fjármálaráðherra, Bjarni Benediktsson, sagt að aldraðrir hafi aldrei fengið eins miklar kjarabætur og nú síðustu ár og hafi enn og aftur talað um að aldraðrir hafi aldrei haft það eins gott og nú. Furðaði stjórnin sig á þessum rakalausu fullyrðingum.

Næsti fundur stjórnarinnar 9. janúar n.k.

Fundi slitið kl. 13.00

Hörum Seintjónod.
Haukur Hóllmann
Ingólfur Höglund
Ólaf Þór Jónasson
Ernst B Schramm